

麥粥

蜜團雲子白於霜雅稱清明別有香寶刃輕輕分玉片銀匙旋
旋瀝瓊漿金童捧出瑤芳瑩仙客嚼開雪彩光五臟盡令更改
正從前永永得清涼

鼓樓

黃昏拂曉角聲哀急鼓同祛疫癘災水滴按時分刻正錚鳴應
點定更迴百年光景宵宵逼一世韶華夜夜催奉勸索詩人早
悟莫教耳內五更來

姜公建鐘樓

精藍三寶實心傾結構重樓願顯明徒使響音空外響任教清

道藏輯要

重陽全真集

八

上胃集一

韻世間清徧聞一顆真金吼擊動十方自己聲大小盡能歸仰
處總令一一證圓成

問禪道者何

禪中見道總无能道裏通禪絕愛憎禪道兩全爲上士道禪一
得自真僧道情濃處澄還淨禪味和時淨復澄咄了禪禪并道
道自然到彼便超昇

赴登州太守會清白堂

青白堂中一水泉清靈澄湛又深淵源源滾處流無竭潑潑來
時潤有緣窗外透光穿玉液門颯撒影弄金蓮馨香滿室靈波
聚捧出明珠上碧天